

左恪靖侯奏稿續編

恪靖奏稿續編卷二十九目錄

截剿甘南逆回及分剿河狄回股獲勝摺

湘皖兩軍大勝摺

中路官軍截剿自陝回竄逆回疊勝摺

節次勦辦固原鹽茶客土逆回片

截勦甘南逆回及分勦河狄回股獲勝摺

奏爲官軍截勦甘南逆回獲勝河狄大股逆回狂竄入
陝各軍分道追勦大獲勝仗情形恭摺馳陳仰祈

聖鑒事竊甘南地方上年秋冬之間西禮叛回流入狄
河者勾引河回並西竄陝回出巢掠食疊受官軍痛創
均經臣等隨時馳報惟鞏秦階轄境西自安定迤南踰
漳縣以達洮岷袤延數百里山徑紛歧皆狄河逆回出
竄衝要防不勝防續據總統南路諸軍周問錫稟稱上
臘二十八夜逆回自狄道渭源出漳縣三岔西十里許

之野狐橋乘度歲之際圖伺官軍之懈道員湯聘珍得
報令軍中戒讌飲准備擊賊初一日督同提督梅開泰
所部整隊進剿賊聞風遁黃香溝距漳縣已七八十里
初四日黎明偵騎賊數百襲踞晉家堡湯聘珍率梅開
泰馬步各營急起掩之賊駭而奔官軍馬隊躡殺尾賊
十餘名初五日總兵周文翔隊伍追賊及石灰溝口梅
開泰循漳縣山脊橫出王家河邀賊歸路前後抄擊斬
殺百餘名餘逆漫山鼠竄十一日復肅聚殘黨數百由
黃峴口繞出老幼店維時總兵范銘一軍經周開錫裁

併之後分駐秀石關酒店驛木寨嶺等處扼防岷州干
二日黎明伺賊至整隊迎勦斃賊六十餘名生擒四名
賊狂遁而西同日賊馬步千餘下渭源熟羊城俯矚鞏
郡記名提督甘肅河州鎮總兵王得勝隊伍出鞏郡之
左提督彭忠國隊伍出鞏郡之右兩路馬步併力壓下
敗之斬馘四五十人陣擒五名追至熟羊城而還奪獲
戰馬十二匹軍械多件官軍勇丁受傷九名二十五日
賊復糾合馬步三千餘眾沿王家河出石灰溝口劫周
文翔營壘勢衆且悍湯聘珍得報令總兵葉占魁照料

漳縣營壘總兵王光富率馬步前驅自督所部行隊隨後策應行近石灰溝口瞭見馬賊結十數團往來衝突步賊旗幟如林周文翔正背壘而陣與賊相持王光富怒馬衝鋒催隊橫列周文翔營前直劈賊陣截馬賊爲兩槩步賊衝出山口救援馬賊湯聘珍麾軍搶上山腰抄賊之後賊勢荒亂王光富乘機掩殺賊潰敗官軍躡至王家河其截斷之馬隊二百餘經周文翔分道抄擊擒斬尤多是役斃賊三百餘名陣擒七名此正月初四至二十五日湯聘珍梅開泰范銘王得勝彭忠國各軍

截勦竄回連獲勝仗之情形也據生賊供此股逆目卽劉四花鄉約馬元張二四皆西和禮縣回逆叛附狄河者也上年九十月之交闌越西禮經官軍勦敗花馬兩逆負鎗傷而逃此次因狄河乏食陝回希圖東竄嗾由鞏昌漳縣岷州犯甘南腹地牽綴官軍嗣二十五日湯聘珍督隊擊敗之後賊遂由王家河趨甯遠屬之攤歌禮縣屬之馬塢疾奔而南記名提督涼州鎮總兵傅先宗派提督丁桂智總兵王銘忠馬隊自甯遠馳出新寺鎮截賊賊之馬步已循馬塢越鹽關竄西和蔓及成徽

兩當各縣而傳先宗之追兵已落賊後周開錫比飛檄
王得勝督馬步自鞏昌伏羌迤鹽關繞成徽而東會同
丁桂智王銘忠馬隊斜出賊前派提督高月桂李奉清
陳天佑所部出秦州之娘娘壩高橋指徽兩擣賊中堅
副將徐仕海之營守鹽關扼賊歸路賊伺官軍分道並
進卽徽兩間道旁溢秦州屬之甘泉寺百花川覬覦州
城官軍連日躡賊而賊蹤颺忽靡定不得一戰周開錫
詢賊所向派總兵田連考簡銳卒百二十人扼秦州東
路朱家祠衝要檄追兵倍道躡其後二月二十五日騎

賊數百奔朱家祠田連考揮壯士猛擊之而退是夜諸軍雲集劉家堡距朱家祠十餘里約詰朝會剿而賊未之知也二十六日黎明賊騎步二千餘衆復犯田連考營壘軍士堅壁禦之相持兩時之久高月桂李奉清陳天佑副將謝復雲唐晉林賢俊隊伍自劉家堡掩至內外夾擊斃悍賊二百餘名賊勢不支向康家巖狂遁官軍躡三十餘里抵黨家川零股悍騎近千橫出西路適總兵蘇家良馬隊自秦州趙程駛至遇之奮威衝擊賊敗走康家巖合股回戈返鬪各軍乘全勝之勢一鼓壓

剿直前縱橫盪決又斃賊二百餘名生擒三十餘名賊
迤東而南遁白蠟峽是役除陣斃賊數沿途斬殺不下
百餘名奪騾馬旗幟器械甚夥官軍升勇微有傷亡此
二月二十五六日官軍截剿竄回於秦州朱家祠康家
巖等處連獲勝仗之情形也二十七日官軍追至白蠟
峽賊已循禮縣之固城鎮四溝台奔永平鎮三月初三
日丁桂智王銘忠馬隊追及之賊分兩股一下莫家山
坡一出大峽溝口官軍馬隊亦張兩翼直前雕剿王銘
忠搆莫家山之賊賊踞山口憑險以拒軍士下馬持矛

起距而進刺斃悍賊五六十名敗賊冒死西奔生擒四名奪戰馬二十一匹其大峽口一股經丁桂智斷其出路賊卽越嶺遁竹林坡官軍馬步分途抄殺擒斬數十名跌斃崖塹者不計其數輜重拋棄山谷拔出被脅難民數百名餘賊越馬家河出甯禮交界之栗子坪奔狄河此三月初三日丁桂智王銘忠截剿竄回於禮縣之莫家山大峽口連獲勝仗之情形也方南路各軍追賊徽兩之時陝回崔三禹得彥李經舉邀河回米阿渾等悍黨同出狄道越安定西南七十里之馬家河二月二

十一日黎明頭品頂戴記名提督楊世俊自安定率兩旗馬隊猛截之斬馘多名正追殺間伏賊突起山溝四面包裹而至楊世俊改騎爲步揮刀督陣士卒以寡敵衆殊死戰不少却搏擊四時之又楊世俊左脇中又子鎗傷士馬亦多損失楊世俊裹創嚴陣而退收入安定城是日賊零股千餘竄紅土窰東北二十里之謝家河總兵敖天印率兩營步隊會合楊世俊分防紅土窰之提督張仲春參將楊德俊馬隊遇賊於紅土窰十五里之剪子岔自午至申鏖戰三時斃賊三十七名賊敗退

馬家河合大股東趨連日擾及通渭之榜羅鎮秦安之
龍山鎮清水之張家川 宗棠因陝回馬阿渾一股已
由陝境負創遁入甘境歸巢而甘南徽兩竄賊戰事方
殷陝回河回又乘間以踵其後必將勾結爲患窺伺汧
隴寶鳳以遂其鼠竊免逸之謀比飭周開錫嚴督甘南
各軍分路堵剿檄記名提督漢中鎮總兵李輝武一軍
由鳳翔西指會合甘軍先清徽兩之賊分兵妥籌隴防
顧陝置門戶檄員外郎銜中書吳士邁所部剋日由乾
州赴汧隴而西力遏竄氛嗣周開錫因崔禹各逆趨重

清水撲犯城垣飛檄湯聘珍督馬步各營自漳縣轉旆而東星馳援剿其時花馬等逆經官軍痛擊於秦州朱家祠等處亟圖歸巢不能與崔禹各逆合股周開錫遂以王銘忠丁桂智馬隊躡其後抽出王得勝田連考各軍合擊清水之賊三月初三至初六日米阿渾等嗾馬步賊更番圍攻清水縣城在城文武紳團固守待援而城垣坍塌過甚勢殊岌岌初七日湯聘珍軍至城圍始解初八九等日王得勝由秦安進田連考由秦州進均先後抵清水迨各軍分途剿賊賊悉趨張家川脅屯留

張家川之陝回海成等逆挾之東行一由閻家店入陝
西隴州馬鹿鎮度咸宜關入渡鎮趨汧陽縣頭鎮一由
赤沙入隴邊香泉鎮出賈村原趨管鳳分股由椒川漫
坪擾鳳縣境提督李輝武調所部分駐隴州鳳縣各營
截之雖少有擒斬而賊衆剽悍迅速未能遏其偷越初
十日李輝武親督所部擊賊於縣頭鎮敗之十一日吳
士邁由鳳翔拔隊赴汧陽汧陽賊於先日已合大股斜
出寶雞賈村東趨鳳翔之陳村吳士邁乃回軍東向剿
之十三日李輝武率所部出寶雞十四日以六營分三

路從黃家巖擣陳村賊巢歷戰三時適吳士邁自汧陽馳至掃蕩蔡家山吳西莊之賊風馳電掣而來合力擣陳村賊巢賊大驚潰兩軍乘勝抄擊擒斬賊數以千數百計敗賊向柳林舖奔岐山十五日吳士邁李輝武躡賊岐山比經臣宗棠添調之總兵殷華廷馬隊亦到十七日會師擣羅局鎮之賊李輝武殷華廷由蔡家坡進西路賊之大隊仍分數路抄來李輝武殷華廷穿入賊陣軍士併力撲之西路之賊先潰吳士邁夾棗林鎮進東路直逼羅局先伏兩營於東路破堡截賊出路迨各

軍將巢賊擊動賊分途狂竄伏兵突起擊之截殺尤多
是役官軍共斃賊千餘名生擒三十九名截賊爲兩一
東竄扶風一西竄鳳翔官軍弁勇傷亡六十八名自此
賊勢分而兇蝮頓滅此三月十四十七日吳士邁李輝
武殷華廷馬步截剿竄回大獲勝仗實在情形也東竄
之回爲陝西逆首禹得彥李經舉河州逆目米阿渾等
敗殘之後人數不過三千有奇然馬多於步已革總兵
張福齋一軍以撫臣檄又敗之扶風醴泉之間撫臣蔣
志章復檄提督劉端冕之軍出郿洛扼北山之防知府

陳鴻藻總兵王萬年同知董兆蓉各營聯絡張福齊之軍分途追勦賊竄至渭南水師遏之遂竄蒲城以趨白水蓋欲入山覓路回竄甘肅也張福齊各軍自高陵東趨緊躡其後二十三日及賊於白水新窰鎮復敗之是戰註銷總兵徐萬福戰尤力身受八創斃賊尤多敗賊掠過宜君中部兩縣界劉端冕所部提督甘大有擊之魚鱗川斃賊亦多二十七日賊竄入甘肅甯州界所有陝境擊賊獲勝詳細情形已由撫臣會銜陳奏矣賊前隊竄至甯州畧甯州知州楊大年幸城防勇丁截之小

有斬獲二十八日竄至拜家河署平慶涇道魏光燾擊
敗之二十九日竄至鎮原縣屬孟壩寺總兵江得意截
之西濠三汊河敗之四月初一竄至固原州屬白家塢
陝安道黃鼎自率馬步七營截之飭所部提督徐占彪
分統四營截之洪溝炭山一帶大獲全勝斃賊千數百
名陝回李經舉卽李金菊河回米阿渾郎閔阿渾及從
金積堡竄出之士回單仲明等均經陣斬其餘小頭目
等擒斬無數惟陝逆禹得彥四百餘騎仍由鹽茶廳一
帶竄走此甘境擊賊獲勝東竄一股殲滅殆盡大畧情

形也其西竄之崔三一股賊數約尙有二千餘三月二十日由隴州竄張家川現復由秦安北竄至莊浪隆德之間臣已調提督銜廣東高州鎮總兵徐文秀及黃鼎率所部剿之所有甘境獲勝詳細情形容卽察實專摺馳陳以清眉目謹將剿辦河狄竄回戰狀據實馳報伏乞

皇太后

皇上聖鑒訓示施行謹

奏

同治九年四月初十日

湘皖兩軍大勝摺

奏爲湘皖兩軍攻破賊壘大獲勝仗謹據實馳陳仰祈
聖鑒事竊金積堡逆回經官軍迭次痛剿本年二月十
二日以前戰勝情形臣已於三月初七日馳報續據劉
錦棠黃萬友稟馬化澂被勦窮蹙惟圖決渠洩水以困
官軍嗣官軍傍壘築長隄濶三丈高丈餘北抵黃渠南
接金積里許復開濬深溝以資堵洩而秦渠馬連渠之
水連日被該逆決放者均隨時引注永甯洞口合流入
黃賊不得逞復憑東南山水溝設卡築壩圖淹吳忠堡

赴河西運道分股犯官軍河東營壘二月二十日黎明
金積附近堡寨角聲四起陝甘各回馬步紛紛沿漢伯
堡波浪渠隄出胡家堡而東其時黃萬友尙督隊赴靈
州護糧也提督潘運璋王秀棣等會合金運昌派駐之
兵憑牆壘禦賊河岸羸斃多名迨劉錦棠運昌飛調
前敵大隊馳擊賊已向胡家堡遁去是晚各軍行隊均
宿吳忠老營適黃萬友所部亦至劉錦棠比商之金運
昌傳令軍士準備剿賊二十一日五鼓整隊向胡家堡
進天甫明瞭見山水溝賊修成三壘近壘之處野淹縱

橫馬步賊萬餘隔水排列壘前劉錦棠金運昌揮隊梟
水擊之金運昌進左路劉錦棠進右路黃萬友督提督
周國勝王秀棣李雲貴何作霖王承贊尹興茂軍功李
雙良分兩大枝一鼓直前劉錦棠督中軍爲策應各路
馬步正逼近賊壘步賊分股入壘踞守大股隨馬賊衝
突而來勢甚兇悍各營鎗礮環轟子如雨注馬賊稍却
軍士併力壓下馬賊敗退步賊之後步賊挺矛對刺冒
死交鋒馬賊亦回頭分抄左右鏖戰逾時官軍奮威衝
殺當者辟易騎賊紛紛墜馬步賊傷亡亦衆相率潰散

官軍乘勢躡至壘邊守壘之賊憑堞放鎗敗賊亦倚牆
抗拒壯士不避鋒鏑愈戰愈奮劉錦棠復飛令提督譚
拔萃易致中羅照昇更番助戰壘外敗賊自量不敵狂
遁胡家堡漢伯堡而西黃萬友從各壘中空之地追出
見壘門未閉守賊仍植立不動卽令何作霖督隊防敗
賊回援調洋鎗洋礮手分堵左右三壘出路劉錦棠金
運昌督各營合圍之壘賊見官軍四面環攻銳不可當
登時慌亂壯士有奪門而入者有猱騰而上者立將三
壘一鼓攻克悍賊一千二百餘名無一脫者各營乎其

壘而還兩日之戰除破壘擒斬之數陣斃逆眾尤夥奪
獲戰馬二百數十匹拾大礮三尊拾鎗小鎗二百餘桿
旗幟刀矛千數百件帳棚鍋鋤不計其數劉錦棠所部
陣亡弁勇二十一名受傷者四十九名此二月二十二
十一日湘皖兩軍會剿逆回攻破賊壘大獲勝仗實在
情形也二十二日黎明劉錦棠調馬步賊二千餘赴山
水溝廢壘收屍飛商金運昌出隊行四里許馬賊四五
百名竟出山水溝挑戰劉錦棠以六營結方陣猛打猛
進躡近溝邊騎賊返撲陣前步賊踰溝踵至零股步賊

仍伏溝中相持至午刻各營已進距王秀棟營前金蓮
昌亦率隊自北路抄出劉錦棠飛令各營前後夾擊馬
賊奪路遁去步賊落後兩軍縱橫盪決斃賊五六百名
生擒七十四名餘賊向山水溝敗歸胡家堡其徘徊溝
中逆黨亦望風先潰官軍奪獲戰馬百餘匹拾旗幟器
械多件劉錦棠所部陣亡弁勇十一名受傷二十九名
此二月二十二日湘皖兩軍會剿山水溝逆回大獲勝
仗實在情形也據擒逆目周斌之子長順供馬化澂因
官軍緊逼金積堡附近之秦壩關早元堡板橋漢伯堡

不能耕種堡中存糧無多有度度難支之勢故日嗾陝
甘各回築塲洩水以圖退兵不料屢爲官軍所敗二十
一日山水溝修壘步賊係甘回馬九王洪袁老九等馬
賊係陝回臨洮謝四各股王洪之姪王天福已經官軍
擊斃壘中矣訛畢正法軍前嗣是陝甘各回連日負創
之後伏巢不出二十九日五鼓馬九王洪復嗾余禿子
楊三辣西甯逆回張阿渾及陝回余彥祿黨眾出胡家
堡之東圍聚靈州西南五里之王銀棚排立賊壘兩座
分股入踞其中大隊蔓延各破堡蓋欺靈州兵單意在

觀觀州城圍劫前敵各軍東路還道也是日午刻劉錦棠得報整隊即起出吳忠堡繞河岸而東二鼓潛入靈州城傳發小憩三十日五鼓合分防靈城兩營成列以出行近賊巢守賊尙未覺黃萬友率李榮貴何作霖曾松明各營分左右路襲各破堡踞賊劉錦棠率提督譚拔萃周國勝易致中知州李樹棠各營直指王銀柵賊壘各路號鼓齊鳴火器並發各破堡之賊自夢中驚起不及齊隊爭向新壘狂奔壘賊吹角站牆開壁迎戰劉錦棠黃萬友揮軍併力壓之三路猛撲壘前壘內外賊

登時潰敗四路奔逃官軍乘勢抄殺有逃走不速隱匿廢堡之賊搜斬無遺兩壘一律平毀各振旅而還是役斃馬步賊一千數百名生擒八十餘名拾父子鎗一百二十餘桿拾鎗刀矛旗幟無算官軍勇丁陣亡三名受傷三十一名此二月三十日劉錦棠一軍攻破王銀棚賊壘大獲勝仗之實在情形也數大捷之後士氣益壯賊膽益寒馬化澂計無所施又幸其子馬耀邦具稟到劉錦棠軍乞撫以春耕緊要爲詞求大兵退吳忠堡劉錦棠許其耕墾不許退兵仍勒限悉繳馬械據擒賊供

近來馬化隆已挨戶派糧三次矣春耕失時再困數月
賊糧無出必致餓乏不堪臣現飭劉錦棠相機圖之此
次大獲勝仗除金運昌一軍詳細情形俟接來牘另片
陳報外所有劉錦軍各戰陣亡之副將銜補用參將陳
思忠補用都司阮金春都司銜拔補守備沈玉成拔補
把總朱泗才張得勝林渭清均係衝鋒陷陣力戰捐軀
應懇

天恩飭部各照所保官階議給

卹典以慰忠魂所有湘皖兩軍連日會剿逆回攻破賊

陞大獲勝仗實在情形謹會同幫辦陝甘軍務前署陝西撫臣劉典恭摺馳

奏伏乞

皇太后

皇上聖鑒訓示施行謹

奏

同治九年四月初十日

中路官軍截剿自陝回竄逆回迭勝摺

奏爲中路官軍截剿自陝回竄逆回疊次獲勝情形恭摺馳陳仰祈

聖鑒事竊金積堡陝回自定邊環慶兩路竄陝各股仍循慶陽鎮原預望一帶北遁逆目馬呼來一股經道員魏光燾總兵江得意等擊敗歸巢無幾臣已於三月初七日陳奏陝回馬阿渾等眾蔓及武功扶風一帶所有在陝各軍戰狀已由前署撫臣劉典馳報二月二十二日賊敗由永壽竄入甘肅靈臺屬之邵寨崔木等鎮員外郎銜中書吳士邁所部追及之賊已分股狂遁二十三日折竄長武臣續調之道員朱明亮督隊自涇州截出敗之是日賊越甯州焦村奔蕭金鎮零股繞出涇州

荔家堡西趨魏光燾得報分兵守慶陽挑馬步兩營行
隊數百人疾趨甯州檄分防驛馬關黑河各營會剿二
十四日午刻魏光燾及賊於焦村十五里地方揮隊擊
之截賊爲兩極一支折回焦村提督戴佑勝等扼剿於
後一支趨蕭金鎮魏光燾督參將袁海壽譚吉士等歷
剿而前賊欺追軍單薄悉銳以抗戴佑勝之兵魏光燾
金譚士應之賊勢稍却而零股絡繹西奔者忽蜂至焦
村包裹而來魏光燾返旗回撲步隊夾馬隊而陣外環
刀矛間以鎗礮輪轟之鏖戰一晝一夜軍士勺水不入

口屹立如山勇氣百倍相持至二十五日黎明賊之精悍傷夷已多陣勢漸亂壯士乘機衝突賊大潰向蕭金鎮鼠竄而去官軍蹶至三不通傳餐休息方魏光燾進兵焦村之時總兵熊道濱率隊出驛馬關副將蕭玉元率隊出黑河川兩路行抵西峯鎮賊之前股已由蕭金鎮沿打家河而上二十三日知縣羅壽昌偵賊來路督留守黑河焦家河前左兩哨截賊於打家河賊以悍騎翼蔽在前嗾羸弱者狂奔而西羅壽昌正揮戈督戰熊道濱蕭玉元追剿之兵亦至前後夾擊斃賊百餘名賊

衆擁擠河岸自相蹈藉拋棄騾馬糧食向太平鎮逸去
追提督劉端冕派隊隨魏光燾由三不通踵至已追之
不及矣是日鎮原防軍江得意經臣調赴西壕遇賊於
棗林截之賊飛奔孟壩寺二十六日江得意率步隊會
合副監旗馬隊分兩路躡賊沿途擒斬頗多賊且戰且
走向三汊河竄預望一路薄暮魏光燾之兵先後齊集
偵賊去已遠遂駐營張家坵二十七日收隊回防其後
股賊騎百餘由涇河川敗竄者劉端冕派提督甘大有
尾追之二十六日過黑河川羅壽昌督隊迎頭攔截奪

其戰馬賊黨全數擊散連日各戰共斃賊三百數十名
生擒二十六名解散被脅漢民十餘名奪獲牲畜數百
頭賊糧俱爲堡民所抬官軍弁勇亦有傷亡此二月二
十三四五六七日魏光燾朱明亮江得意馬步各營截
剿自陝回竄逆回疊次獲勝之情形也賊之北竄預望
也正提督徐占彪總兵蘇如松截剿馬正和敗殘陝回
獲勝自韋州收隊回防之時二十九日未刻誦賊騎自
預望東南三十里毛渠井狂奔而西徐占彪蘇如松會
商該逆奔馳疲乏應乘黑夜襲之戎軍士成列以出派

士民爲嚮導一出毛家墩抄賊之前一繞蔡廟斷賊之
後一橫出馬家大山溝底擣賊中堅漏初下徐占彪舉
礮爲號親率正營自馬家大山溝底穿出壯士大呼陷
陣殺聲震谷左衝右突當者披靡賊正倉皇挺走蘇如
松忽率旌善營馬隊從後面兜剿而來該逆全數奔毛
家墩總兵陳春萬伏兵突起擗頭截之各路馬步亦愈
戰愈勇該逆棄甲拋戈狂號亂竄騾馬衣服糧食委棄
殆盡敗遁下馬關一路三十日黎明官軍躡至馬關祇
見零星殘賊或三五人或六七人踰溝越嶺而遁不復

成股沿途斬殺數十名振旅而還是役斃賊約二百餘
名生擒悍賊十餘名奪獲糧畜輜重無算官軍勇丁受
傷六名陣亡一名此二月二十九三十日徐占彪蘇如
松截剿自陝回竄逆回將全股擊散獲勝實在情形也
訛據擒賊秦成崔文煥郝三元等供馬阿渾卽馬朝元
自正月初一日糾陝回十三營股衆不下二千名由金
積堡銀條梁竄入北山到甘泉與馬正剛合人數漸增
東犯韓郃走高陵涇陽醴泉乾州扶風永壽一帶出靈
臺崔木折竄董志原歸巢馬正剛之子則經官軍擊斃

道左備矣臣維馬阿渾等衆經陝西各路官軍次第剿
敗回竄甘境者賊騎不過千數百名魏光燾以數百人
扼之焦村大挫兇鋒其敗歸也一創於打家河黑河棗
林諸戰再創於徐占彪蘇如松毛渠井諸戰前後擒斬
實數以六七百計所剩殘黨狼狽歸巢者糧畜器械均
爲官軍所奪逆首雖未伏誅而賊膽已寒矣所有各戰
陣亡之守備張運捷千總宋益成曾得順外委宋大勝
應懇

天恩飭部各照所保官階議給

卹典以慰忠魂謹會同幫辦陝甘軍務前署陝西撫臣
劉典恭摺馳陳伏乞

皇太后

皇上聖鑒訓示施行謹

奏

同治九年四月初十日

節次勦辦固原鹽茶客土逆回片

再固原鹽茶驛土回種落蕃衍良秀雜雜上年官軍北
進勦撫兼施均經臣隨時陳奏而東西兩山土著回匪
仍假息山谷糾黨劫掠糧運多梗其金精藏匿各回因

飢四出掠食並囑聚土回分起恣擾臣比飭平涼固原
慶陽諸軍嚴密搽捕二月初西山李野賊李存昇李兒
步讀馬百長楊茂林五六百衆蜂至馬騾掌楊家溝羅
家腰嶮等處初七日提督周紹濂飭總兵張大雄副將
周玉林自李旺堡進剿合回目馬益順爲嚮導黎明抵
楊家溝賊見官軍卽紛紛潰散周玉林縱馬追之手刃
悍賊數名乘勢攻馬騾掌及羅家腰嶮之賊張大雄周
玉林各哨夾滿家山疾走進斃賊數十名奪鎗械十
餘件騾馬數十頭刃了受傷一名陣亡一名初九日賊

復聚楊家莊初十日四鼓張大雄督五成隊襲之斬賊
二十餘名餘賊越山奔遁官軍在賊巢內搜獲驛遞失
去文報並大米數百斤擒生賊二名正法軍前同時匪
目明先行卽明七十子股衆盤踞劉家臺子距白家坨
五十餘里音比令道員黃鼎派提督徐占彪領馬步四
營由固原拔進初九日襲賊於劉家臺斬悍賊百四五
十名生擒二十餘名初十日徐占彪誦母仲元明先行
等逆踞劉家臺東北狼兒溝元城子黃鼠鑽爲巢飭總
兵陳春萬趙興隆副將劉心灼分馬步三路擣之共搜

殺百數十名餘匪散而復聚於教場川十二日官軍掩
至賊已聞風宵遁僅斬落後尾賊數名其時李野賊之
黨楊滿林馬宗祥股衆二百數十人乘間竊發於西山
廟踞圓圪塔紅麻川良回軍功王益萬自王家團莊飛
報提督丁賢發比派副將吳啟雲守備張玉梁整隊馳
剿二十八日辰刻王益萬引官軍圍圓圪塔山下賊館
賊冒死衝突官軍陣斬二十餘名生擒楊滿志馬環環
子李七餘子馬割臍子等十一名匪目楊滿林單騎搶
上山口適經官軍臨難羣賊墮崖墜死者甚衆官軍搜

獲旗幟鎗矛糧袋多件二月初一日大雨晴分駐固原
楊家老莊之參將于維祺討賊百餘圍攻鐵家溝民
堡率隊救之適其回得道審幸旅舍營馬隊從碾子頭
壓追而南于維祺復截其去路陣斬逆回四五十名生
擒匪口馬宗祥訊供李野賊自預望城喚之前來途遇
陝回數十人夥出西山掠食經官軍擒斬殆盡矣是日
東山匪目剡仲祿復擾及固原三關口一帶中刻副將
盛照魁率所部行隊自高店設糧過三關口遇賊步騎
五六百名劫去糧馱哨弁楊雪亮躍馬斫陣力戰而亡

盛照魁訶知率隊進剿斃賊二十餘名奪回騾馬數十頭初四日提督陳廣發自瓦亭率良營八成隊護糧行抵海口子地方偵知明七十子之黨騎賊數十步賊二百餘絡繹出巢陳廣發伏山溝左右以待賊至伏發斃賊百二十餘人拾獲器械多件奪獲騾馬二十九頭餘賊奔固原適黃鼎所部副將黃虎臣護糧適至押馬隊迎頭截之斃賊三十餘名生擒四名初九日副將總兵趙興隆副將何玉超護餉至高崖子參將林定遠守備黃錦圍並騎先驅偵探賊踪遇賊零騎被害趙興隆

何玉超等十三日由黑子山溝進剿斃賊十餘名賊目海滿寬仍據險抗拒擲石擊傷官軍官軍冒險急攻良回楊如雨將逆目海滿寬縛獻軍前正法降其餘眾十四日抵老陽莊賊目丁保中乞撫受之旋據探報賊目單貴馬生江等竄至李家店何玉超令楊如雨卽夜掩擊斃賊七八十名獲騾馬五十餘匹窮追至虎狼口誦餘賊已合明先行剗仲祿一股踞狼兒溝蒲家墩一帶十五夜趙興隆何玉超潛師襲之四鼓分路抄截立將狼兒溝蒲家墩賊巢攻破斃賊三百餘名獲馬二百餘

頭軍火器械甚夥旋據楊如雨報逆首剡仲祿受傷藏匿狼窩溝巴爲官軍亂刀砍斃獲其屍呈驗其明七十七子單貴兩賊則隻身逃竄荒谷黃鼎已飭楊如雨捕之餘賊投誠免死安插其竄入澤慶一路者賊目爲李化魁蘇進萬李良友張義全均由金積堡竄出或百餘人爲一起或數十人爲一起意圖驚越陝境經署平慶涇道魏光燾署慶陽府知府謝大舒代理環縣知縣余甫勳派隊截剿陣斬蘇進萬李良友張義全生擒多名餘賊得脫者實亦無幾此固原鹽茶廳及環慶各處勦辦

客土各逆回連獲勝仗實在情形也臣維東西兩山廣
袤數百里山谷盤互漢民少而回民多其間良愿守分
回民雖復不少而種族既繁氣類亦別良回每爲匪回
所劫持難於自拔馬化澄故得以其新教煽惑而勾結
之自官軍分駐中路勦撫兼施又錄用諸良回爲之鄉
導誅其莠而宥其良腹地伏莽乃漸有肅清之望雖陝
甘逆回或由金積南來或由陝境北竄而諸營聯絡布
置地網四張良回復爲偵探導引每得掩其不備而殲
之除各軍截剿陝回禹得彥河州回米阿渾等逆獲勝

情形另疏據實馳陳外所有節次剿辦客土逆回情形
謹會同幫辦陝甘軍務前署陝西撫臣劉典附片馳報
伏乞

聖鑒訓示施行謹

奏同治九年四月初十日

軍機大臣 字寄同治九年四月初七日奉

上諭左宗棠稟圖善奏官軍截剿甘南逆回暨分剿河
狄回股獲勝左宗棠奏湘皖兩軍攻破賊壘請將陣亡
員弁議卹并徵勅自陝回竄逆回疊勝陣亡員弁請卹

及節次勦辦客土逆回情形各摺片覽奏均悉甘南徽
兩等處竄回經湯聘珍各軍先後擊敗而賊之前隊竄
至甯州又經魏光燾等追擊擒斬甚多陝回禹得彥仍
由鹽茶廳一帶竄走其西竄之崔三一股由隴州竄張
家川後復由秦安北竄至莊浪隆德之間左宗棠已調
徐文秀等率隊追剿惟現在各路回股每於陝甘交界
處所東奔西竄牽掣官軍而甘之河狄尤爲逆衆逋逃
之藪左宗棠穆圖善務當檄飭甘陝各軍分股勦洗逃
將禹得彥崔三各逆設法殲除以孤賊勢金積堡踞回

營經官軍痛剿勢甚窮蹙二月二十後劉錦棠等軍又將山水溝賊壘三座暨王銀棚賊壘攻破馬化澂復設詞乞撫該逆詭詞異常現當困因糧盡正可乘機計取著左宗棠卽飭劉錦棠斟酌情形妥籌剿辦毋爲該逆所紿劉錦棠所部陣亡之副將銜參將陳思忠都司阮金春都司銜守備沈玉成把總朱泗才張得勝林渭清均著交部照所保官階議卹馬阿渾等股因爲陝軍剿敗回窠甘境魏光燾等於打家河毛渠井等處痛加剿擊所贖逆黨無多仍著左宗棠分飭魏光燾等跟蹤追

勦迅速殄除母任該逆苟延殘喘所有各戰陣亡之守
備張連捷千總宋益成曾得順外委宋大勝均著交部
照擬保官階議卹固原鹽茶及環慶各處客土回匪經
周紹濂等勦擊寔足大挫兇鋒惟該處山谷盤互回民
種類亦繁左宗棠務飭在事文武時加搜緝勦撫兼施
母任匪徒乘機煽惑以消隱患將此由六百里各諭令
知之欽此

軍機大臣 字壽同治九年四月十八日奉

上諭左宗棠蔣志章奏剿敗竄陝回股腹地仍復安謐并榆林安邊等處剿賊情形各摺片已明降諭旨將出力陣亡各員分別獎敘矣崔禹逆股竄擾陝境經各軍分投追剿連戰皆捷現在崔逆西奔禹逆東竄敗殘之賊所餘無多鳳西同乾鄜境內已無賊蹤惟崔禹兩逆帶傷逸去并未就擒其夥黨各圖潰散之說亦不足憑且劉典曾報陝境腹地肅清乃未幾而崔禹等逆旋卽竄入幾至蔓延所謂肅清者安在該督撫等務當嚴密

布置檄飭各將領認真防剿并將該逆首設法殄除毋任匪蹤再行闖入此次該督等奏保出力各員朝廷姑如所請藉以鼓勵軍心嗣後敘功獎勞務求允當毋得率行奏請以昭核寔安邊堡回股已退回金積老巢仍著蔣志章飭令劉厚基等督率各營隨時防範以期周密并著左宗棠妥籌兼顧將此由五百里各諭令知之欽此

恪靖奏稿續編卷三十目錄

湘軍蕩平賊塚並截勦河西竄回迭勝摺

金運昌剿辦後路竄賊並請獎敘片

甘捐道府州縣五項再請展限片

截勦陝省回竄賊匪獲勝詳細情形摺

截勦陳林股逆獲勝摺

吳士邁病故請卹並專殺朱德樹可否免其查參片

湘軍蕩平賊濠並截勦河西竄回迭勝摺

奏爲湘軍攻勦金積堡逆回蕩平賊濠並截勦河西竄回疊獲勝仗恭摺馳陳仰祈

聖鑒事竊老湘一軍本年二月三十日以前戰狀臣已於四月初十日馳報緒據劉錦棠黃萬友稟十二日馬化澂復遞稟到營乞撫求大兵退吳忠堡劉錦棠仍飭之十四日三鼓調金積附近各寨人聲沸騰陝甘逆黨數十成羣零星散佈乘夜修壕自金積迤西而北繞東南達波浪湖分段濬築意在引馬連渠之水入濠匯流

於湖以阻官軍進攻西南之路劉錦棠等令各營伺賊蹤稍近用鎗礮測准轟之十五日天甫曙賊數悉遁歸巢連夜加濬如故十八日劉錦棠傳令各營挑壯士攜鋤鋪分道平賊濠近逼也賊寨鎗礮對轟子如雨注軍士冒險平毀賊復伺閒加修二十一日黎明劉錦棠整隊擊賊金積各寨角聲四起賊傾巢出或排列濠邊或伏濠內提督蕭章開諭執益曹義勝爲前驅各路馬步繼之行未里許步賊憑濠拒敵馬賊分抄東南副都統雙壽副都統銜協領花良阿提督余虎恩躍馬陷陣併

力將馬賊擊敗蕭章開乘機越長濠缺口擊步賊軍士
從之鎗矛並舉悍賊紛紛倒地餘眾勢漸不支而西路
之賊尙搶過濠外抄蕭章開之後黃萬友率提督陶定
升周國勝橫截之提督何作霖王承贊李占椿揮隊齊
進步賊大潰適雙壽余虎恩等率驍騎自東南躡賊而
來官軍馬步合力兜剿擒斬極多餘賊向金積東門逸
去是夜四鼓賊復潛出掘濠劉錦棠調開花田雞礮輪
轟之適炸彈中羣賊傷斃多名而退二十三日天明賊
出金積東門各寨旗幟如林沿濠列隊翼蔽修濠之賊

馬賊數千抄過東面劉錦棠傳步隊各營分中左右三路迎勦令馬隊應馬賊部署既定陶定升督周國勝軍功張俊猛撲中路步賊死拒馬賊一併回頭雙壽花良阿余虎恩馬隊一氣壓下劉錦棠飛催何作霖蕭章開左右兩路剗濠而進各路悉銳衝殺賊屍枕藉餘向各寨狂奔官軍躡追至寨根而還自十四夜至二十三日共斃陝回甘回一千四五百名生擒一百三十四名逆目馬二虎陳金子認明一併正法奪戰馬六十餘匹旗幟器械鋤鎗數百件弁勇陣亡四十二名受傷一百九

十八名此劉錦棠一軍攻勦金積逆回蕩平賊濠屢獲
勝仗情形也賊連日被創之後晝則跽伏不出夜仍潛
起修濠分股沿秦壩關上下增築渠隄復圖洩水以困
官軍劉錦棠黃萬友相度地勢令各營多掘溝道防之
四月初一二等日秦渠馬連渠之水被賊決放勢如潮
湧平地成川各營正併力疏濬忽西北風緊水漲數尺
激湍衝齧蔡家橋一帶傍壘長堤洪流洶湧勢殊險惡
駐蔡家橋之李占椿各營隨機搶堵或密排木椿或盛
以布袋用茅苞實土其中悉力捍禦初三日風止溝道

成引水下王家湖波浪湖注永甯洞合流入黃賊計仍
不得逞馬化澨見官軍堵洩得宜水不能困復喉零股
馬步出金積堡西北馬家灘偷渡黃河西竄大壩分水
嶺三關地方劫官軍廣武中衛山後糧運初八日黃萬
友督隊由葉昇堡渡河分支赴三關搜勦自率李占椿
喻執益駐大壩初九日西行五里擒獲賊諜訊知有賊
自山後劫牲畜回金積堡相距數里黃萬友設伏三路
待之少頃賊馬步三百餘絡繹而至黃萬友揮隊突擊
賊狂號亂奔官軍分途躡殺十餘里殄滅淨盡生擒四

十二名奪獲騾馬牛羊二百餘隻鎗械甚夥弁勇僅受傷七人而已十三日陶定昇張俊余虎恩隊伍由山後護糧東行近三關五六里偵馬步賊四五百名迤南而北官軍伏大隊於後挑十數騎迎戰以示弱賊爭出搶糧與余虎恩相持陶定昇張俊等躍馬衝出砍斃二百餘名生擒二十一名餘逆四散官軍護糧而還據生賊供初九日大壩竄賊探馬正和餘黨十三日三關竄賊係陝回間一股逆目馬順之越山不及登時伏誅此劉錦棠一軍截斲河西竄回獲勝情形也臣維金積堡

逆賊恃其巢堅糧足抗拒官軍近經迭次痛創知其巢堅不足恃雖積糧素多然以之供給陝回及河州臨洮西甯援賊耗去不少據各路探報陝回及臨洮西甯各回零星竄走馬化澁雖一面抗拒一面哀祈就撫而潛謀徙巢他遁苟延目前所苦駝畜餓斃已多不敷裝運欲勾引各路黨夥前來援救相距遠者千餘里近者數百里就食既無以供裹糧又難爲繼似其情勢難以支現在中路南路官軍均獲勝仗制賊更有餘力臣惟有堅持成算慎以圖之以求仰副我

皇上綏定西陲至意所有各戰陣亡之遊擊成福積都
同李興濬千總蔣洪順把總艾得勝唐正魁血戰捐軀
均應請

天恩飭部各照所保官階議給

卹典以慰忠魂謹恭摺據實馳陳伏乞

皇太后

皇上聖鑒訓示施行謹

奏
同治九年五月初六日

金運昌勦辦後路竄賊並請獎敘片

再金運昌一軍上年十一月初一日以前戰事經臣於
本年正月二十二日附片陳報初一日以後至本年二
月二十二日以前節次與湘軍會勦金積逆回戰狀臣
續據湘軍文報附奏嗣金運昌先後來稟情形約略相
同自可無庸補敘惟金運昌前因東道阻梗復派提督
王鳳鳴督帶馬步回顧花馬池定邊安邊往來梭巡以
清後路運道三月初七夜回逆百餘竄至花馬池北二
十里圍攻民寨王鳳鳴督守備何全忠馬步馳援分數
路掩擊殲賊殆盡生擒三十餘名據蘇杏數兒蘇有數

兒供賊目馬三保零股百餘盤踞郝家溝王鳳鳴命爲鄉導引官兵前往初九日行四十里抵郝家溝馬三保出掠未歸掩殺守巢之賊三十餘名兩戰共斃賊一百二十餘名奪馬騾牛羊百餘頭雜糧數石旗幟鎗械多件初十日分駐定邊之總兵馮殿英調馬步賊數百攻東南民寨整隊疾起襲之斬賊六十七名十四日馮殿英何全忠襲賊於磚井鎮躡賊至蔡家窩破其巢殺賊七八十名逆首馬繼兀族黨拚鬪何全忠怒馬直前揮刀斬之各隊繼進斬其餘眾七十餘名生擒二十餘名

自是花定一帶遊氛少斂二十二日王鳳鳴令遊擊馬
心勝率隊赴安邊護糧隨身馬步不上百名遇回逆二
百餘騎於磚井堡外王鳳鳴揮隊猛戰賊披靡莫當官
軍蹙十里至張家園擒賊目張福保賊黨拚救何全忠
奮威衝突殺入賊陣頭中木棍傷墜馬王鳳鳴向前策
應連受矛傷裹創力戰軍士悉銳陷陣何全忠復躍馬
助之斃賊百數十名餘逆狂奔四散據活賊供馬化澁
喉張福保帶馬步賊二百餘劫糧於東路者是日之戰
已損折三分之二此三月初八九十四二十二等日

王鳳鳴等在花定一帶勦賊獲勝之情形也金運昌拋
駐金積前敵營壘二十二日訶賊踞下橋東南四五里
許武化澀寨分立小壘二座正在興工比派總兵張懷
玉副將王化成潛師夜起襲其不意伏副將高得勝遊
擊侯得明之兵於賊壘附近道左防武化澀馬八條援
賊是夜四鼓王化成張懷玉進攻賊壘正得手閒武化
澀寨出百餘賊救護高得勝突擊之賊仍胸縮入寨官
軍平其壘收隊回防馬八條寨出賊數百邀截歸路復
爲侯得明隊伍所敗其竄近河岸零騎百餘提督宋朝

如整隊衝擊擒斬亦多是役共斃賊近二百名奪牲畜
雜糧器械甚夥宋朝如立馬當先右足被礮子穿透此
三月二十二夜二十三日金運昌分駐金積所部攻破
賊壘擊賊獲勝之情形也所有在事尤爲出力之王鳳
鳴何金忠自攻搆金積賊巢以來本屬著有勞績此次
回軍花定截勅竄賊身受重傷猶復堅忍苦戰力挫兇
鋒洵屬奮勉應請先予獎敘以示鼓勵記名提督王鳳
鳴請

旨交部議敘藍翎都司銜守備何全忠請以都司補用

並

賞換花翎加遊擊銜其血戰捐軀之副將銜參將張兆
孟千總王彥才李錦春應請

天恩飭部均各照所保官階議給

卹典以慰忠魂謹附片馳陳伏祈

聖鑒訓示施行謹

奏同治九年五月初六日

軍機大臣 字寄同治九年五月十三日奉

上諭左宗棠奏官軍蕩平賊濠截剿竄回獲勝並花定

等處勦賊情形請將出力陣亡各員分別獎卹各摺片
覽奏均悉金積堡踞匪經劉錦棠督隊進攻該逆出巢
抗拒我軍分路攻擊立將賊濠平毀其西竄大壩分水
嶺三關劫糧之賊又經我軍擊退卽著左宗棠飭令劉
錦棠聯絡金順張曜派出各軍乘賊勢窮蹙之時分投
截勦毋令他竄所有陣亡之遊擊成福楨都司李興濬
千總蔣洪順把總艾得勝唐正魁均著交部各照所保
官階議卹花定等處賊匪經金運昌派提督王鳳鳴擊
勦獲勝復親督隊伍將金積堡附近賊壘攻破並著飭

令金運昌乘此聲威迅速進剿毋稍鬆勁在事出力之
提督王鳳鳴著交部議敘守備何全忠著以都司補用
並賞加遊擊銜賞換花翎陣亡之副將銜參將張兆孟
千總王彥才李錦春均著交部各照所保官階議卹金
積一賊堡耳卽云巢堅糧足何以頓兵如許之久屢攻
未下本日據奏中路南路均獲勝仗未知賊勢若何殊
深慮系李鴻章指日抵陝秦隴交界處所已諭扼要分
紮該大臣惟當振刷精神嚴飭劉錦棠等乘勝進攻一
面飭南路各軍掃蕩而西進規河狄使賊彼此不能相

願迅奏膚公母得日久遷延老師糜餉至該大臣各營
後路既有淮軍進紮左宗棠尤當與李鴻章和衷共濟
各泯畛域之見俾兩省聯爲一氣庶防勤合籌更資得
力浙江溫州鎮總兵方友才昨已調補處州鎮總兵據
英桂奏稱該員自簡放溫州鎮總兵後已屆四年尙未
到任方友才係左宗棠保舉之員是否在陝甘軍營勤
賊卽著左宗棠查明如現在該員並不帶兵卽著飭赴
處州鎮總兵新任以重職守將此由六百里諭令知之
欽此

甘肅道府州縣五項再請展限片

再臣前因餉項奇絀於同治八年四月初一日

奏請將甘局收捐之道府州縣無論省局分局均展至同治九年四月十六日停止於是年四月初七日奉

旨著照所請戶部知道欽此欽遵通行在案茲據西征糧臺兼辦甘捐翰林學士袁保恆咨稱現在道府州縣五項官階甘局收捐一年期滿若遽行停止報捐者僅佐貳雜職捐輸定難踴躍並稱該學士前奏米捐仍照市價折收摺內謂捐輸有傷政體但求軍餉有著即可

停止嗣准戶部覆稱已於上年議覆江蘇撫臣丁日昌
摺內奏令稅釐較旺之江蘇安徽江西浙江湖南湖北
四川福建廣東等九省督撫臣等議奏明辦理應俟奏
到後覈明軍餉足敷協撥即將各省捐輸奏明一律停
止等因是甘捐之久暫亦應以戶部奏明停止各省捐
輸之日爲准咨請將甘局收捐之道府州縣奏明俟戶
部奏請停止各省捐輸之日再行一併停止等因前來
臣維甘捐之設原以濟軍餉之不足若遽將道府州縣
停捐各局收款無多於餉帑仍屬無補不得不再請展

限惟戶部既奏明俟綜核江蘇等九省稅釐足數協撥
卽請停止各省捐輸之日由臣酌量情形奏請停止以
歸畫一現在展限期滿捐生未免觀望如蒙

俞允再容展限一年臣卽通行省局並各分局一體遵
照以廣招徠於軍需冀有裨益是否有當謹附片馳陳
伏乞

聖鑒訓示施行謹

奏 同治九年五月初六日

截勦陝省回竄賊匪獲勝詳細情形摺

奏爲官軍截勦自陝折竄逆回疊獲大勝詳細情形並
現籌中路南路勦辦機宜恭摺馳陳仰祈

聖鑒事竊官軍截勦甘南逆回獲勝河狄大股逆回狂
竄入陝陝境各軍次第勦敗東西分竄入甘甘境諸軍
擊賊獲勝大概情形臣宗棠已於四月初十日陳奏東
竄陝回逆目禹得彥李經舉河州逆目李阿渾等三月
二十七日入甘肅甯州界賊騎竄近州城署甯州知州
楊大年率城防勇丁數百截之賊卽斜掠南義井西向

焦村道員魏光燾派防各營迎頭擊賊總兵夏奉朝遇
賊馬方滿賊大隊奄至夏奉朝揮騎卒下馬結圓陣禦
之鎗礮環轟賊不少卻塵戰逾時勢幾不支總兵熊道
濟副將魏紀望各率所部馳至賊始敗退是夜五鼓賊
復向焦村奪路狂奔各營力扼之旋繞什社出銷金鎮
趨西峯維時魏光燾所部中營馬步已由慶陽西華池
徑鐵練川橫截而出二十八日黎明偵賊踞西峯南村
李家堡魏光燾督隊出賊不意襲之提督戴佑勝副將
鄭連拔參將彭邦達千總范潮海等奪堡門而入賊驚

覺喉悍嘉死拒彭邦達范潮海奮勇直前身受矛傷遊擊黃有元都司劉乾福外委蔣宗福挺矛繼進刺傷悍賊數名賊始亂魏光燾督親兵從堡後徠附而上堡內踞賊無得脫者隨搗踞高莊之賊勇丁張貴元斃斃悍賊墜馬而奪其旗餘眾不戰而走正追殺閒賊後股數百騎自銷金鎮敗竄而來魏光燾回旂蹙之賊狂逸拜家河副將蕭玉元所部正擊敗西峯鎮前股竄賊於河岸賊瞥見官軍三面抄擊梟水西奔人馬陷泥淖中多死者二十九日各營躡過達家河賊已奔鎮原屬孟堪

寺矣是日黎明總兵江得意率隊截之西涼奪驛馬三百餘頭三十日總兵蕭貴松率鎮原防勇隨副將李心海馬隊分途追剿賊不敢戀戰駛向固原州界連日之戰斃賊六七百名生擒四十二名各營弁勇傷亡三十餘名據活賊藍赫子供係逆日藍生元之弟藍生元綽號藍二紐子本長髮賊投入回中者二十八日經官軍殲於李家堡陝回頭目李經舉卽李金菊殲於高莊當官軍進擄高莊踏逆時一青馬賊手執黃旗指揮羣賊中礮落馬者是也禹得彥股內賊目禹三星過達家河

礮穿左眼而斃賊自禹西娃子二十六日竄魚鱗川亦經官軍轟斃河回戴宋娃等供詞亦同此三月二十七入九三十日慶陽鎮原各營截剿自陝折竄逆回疊獲勝仗實在情形也四月初一日賊竄白家壩臣宗棠已預派鎮防固原道員黃鼎一軍嚴裝以待比訶賊至卽由張家巖進發是夜四鼓成列以出分提督徐占彪統四營扼紅溝炭山一路自率馬步七營迎擊之初四日黎明抵白家壩賊正紛紛西竄黃鼎擂鼓疾進軍士併力壓之衝賊爲三段中路之賊三百餘名登時抄殺盡

淨前後賊騎一轉白家壩一西趨紅溝黃鼎急令總兵黃有忠陳攀仙守備黃兆熊三營沿紅溝躡賊親督總兵劉治均趙興隆副將黃虎臣遊擊李洪超馬步追過白家壩逼近懸巖賊擁擠不前軍士乘機衝殺斃賊二百餘名棄馬墜巖者約百餘名餘賊向炭山飛駛而去黃有忠等猛躡之賊前股甫出韓家堡距黑城七八里適與徐占彪所部相值副將何玉超率壯士突起截擊立斃悍賊數十名徐占彪督各營馬步繼至縱橫灑決斃賊二三百名躡近黑城子賊越城而西提督周紹濂

派防黑城之總兵李良穆遊擊劉輔軍整隊疾起截之正在相持徐占彪之兵由東山抄出賊腹背受敵轟斃刺斃又百數十名餘逆遁西山界牌初三日黃鼎分兵搜山各營均有擒斬徐占彪率隊追界牌之賊及賊於黃羊坪斬尾賊百餘遊擊朱蘭亭帶親兵數十併力窮追忽山谷中擁出悍賊百餘拚死格鬪朱蘭亭勢幾不支適徐占彪何玉超大隊倏至合圍該逆廢堡中悉數殲之訊之生賊始知此股悍賊卽固原回目單仲明甫從金積堡竄至紅溝擬隨禹得彥西遁單仲明已斃堡

中矣禹得彥刺股騎三百餘向鹽茶廳鼠竄徐占彪復
躡殺至鴉兒灣初四日收隊而還連日黃鼎一軍斃賊
一千三四百名生擒百二十名奪騾馬八九百頭刀子
鎗礮數百件各營傷亡弁勇五十餘名李良穆所部斃
賊六七十名生擒二十餘名拾器械數十件勇丁帶傷
三名據良回楊如雨等報河回頭目丁阿渾本白家壩
人同治二年叛附河州管河回五六百人此次隨米阿
渾竄來經官軍擊斃於陣米阿渾之子米全喜亦斃於
白家壩禹得彥教下頭目蔡福初三日斃於黃羊坪逆

回馬六卽馬正和之黨去秋官軍截斷陝回於打拉城
馬六遁入河州此次齊竄黑城子礮斃陣中此四月初
二三四日固原截勦自陝折竄逆回大獲全勝金積堡
竄出零股甘回殄滅殆盡逆目伏誅之實在情形也其
四竄之崔三一股三月二十日由隴州竄張家川周開
錫比派提督王得勝一軍出清水迎勦提督梅開泰所
部繼之總兵田連考道員湯聘珍出秦州秦安之交遏
賊南竄提督楊世俊總兵敖天印各軍出安定紅土窰
而東聯絡堵截三十三日王得勝會提督丁桂智總兵

王銘忠擊賊於清水正北之龔門嶺富家川地方賊正
攻民堡急不虞官軍驟至也各營馬步從後蹙之斃賊
四百餘名生擒四十二名緝二十餘里轉富家川休息
賊大股仍踞張家川蔓及正東十里之王家堡攻掠二
十四日五鼓王得勝督隊踰山脊向王家堡進分馬步
循平川逕搗賊巢上山隊伍較單賊勢迸注王家堡悉
銳以拒官軍比馬步隊上山策應突遇伏賊首尾不能
兼顧弁丁遇害者二百餘名王得勝歛兵保清水其時
員外郎銜中書吳士邁之兵已躡賊之後由隴州收回

三州楊世俊放天印之兵先後抵通渭賊畏官軍分道並進於二十五日越秦安龍山鎮連日避兵而行竄蓮花城田家坪朱家店蔓及靜甯屬之水洛城王得勝引所部由西而北與田連考湯聘珍梅開泰之兵合初三日及賊於田家坪步賊分踞山腰馬賊馳騁平原王得勝湯聘珍等分左右路擊步賊陣斬數十名賊稍卻馬賊仍拚拒中路田連考謝復雲怒馬突陣手刃數賊餘眾大敗官軍三路躡至石門截殿後悍賊百餘斬之初四日各軍及賊水洛城賊正與堡民相持瞥見官軍卽

奪路狂竄提督高月桂李泰清緊躡之斬尾賊六十餘名奪戰馬軍械甚夥生擒四名此三月二十三日四月初三四日秦州南路諸軍截剿崔逆一股由陝折竄數勝一挫之情形也初六日賊趨莊浪濳德正南門扇岔臣宗棠派提督銜廣東高州鎮總兵徐文秀參將楊正茂馬步會同駐防隆德福州副都統全福馬隊截之賊遁靜甯四十里之威戎鎮初七日提督銜江西補用總兵蕭賞謙所部平江營截之賊卽由靜甯通渭之閒西趨蓋覓馬營監紅士窩爲歸路也楊世俊敖天印偵賊

所向警隊疾出馬營李耀南亦派閩浙補用總兵周顯明自會甯率隊馳至嚴陣以待初八日賊大股竄近馬營正北二十里之傅家岔華家嶺十五里之草芽溝雙墩堡地方初九日五鼓各軍分三路剿之楊世俊馬步抵傅家岔賊列隊抗拒官軍縱擊之斬賊數十名賊陣大亂敖天印正敗草芽溝雙墩堡之賊出傅家岔會隊兩面抄擊賊之中鎗墮馬者以數百計餘眾搶過華家嶺周顯明橫抄之賊棄牲畜輜糧踰溝奔紅土窩參將楊德俊扼截於前各軍追逐於後悉數就殲殘騎數百

遁馬家河以奔飲道正躡追開謀報通渭東北三十里
渭陽堡續到海澄王占盤等逆一股時周顯明收隊靜
甯楊世俊赦天印回軍勦之初十日未刻抵通渭縣十
一日偵賊由縣南四十里之李家店葉家岔東南四十
里之溫家峴馬家店分竄楊世俊進擊溫家峴之賊步
隊迎戰斃賊數名賊勢披靡左右驍騎縱擊之斬賊以
數百計緊躡至馬家店孫家坪陣擒尤夥李家店葉家
岔之賊經赦天印提督張仲春馬步合擊之沿途賊屍
枕藉僅剩數十騎賊逸去連日之戰共斃賊一千五六

百名生擒海洋花等二百九十名陣斬偽領員馬三阿
麻達子拾旂幟刀矛叉子鎗八百餘件騾馬牛驢數百
頭傷亡弁勇二十七名此四月初九初十十一日楊世
俊救天印李耀南各營截剿自陝折竄逆回大獲全勝
之實在情形也臣維陝回首逆禹得彥崔三李經舉自
打拉池半角城兩次大敗後兇焰已熾此次竄陝妄以
金積陝回方竄擾陝西圖與合勢遂糾河州回目米阿
渾及狄道零股竄陝人數近萬比員外郎銜中書吳士
邁漢中鎮總兵李輝武截之寶雞陳村羅周兩獲大勝

遂調爲兩段禹得彥田白水入山北竄壘經隴軍剿敗
僅與其黨三百餘人竄出崔三由隴州回竄壘經隴軍
擊敗其得歸巢者亦不過數百人計陝回及河狄之回
漏逸者實不過十分一二耳崔三因勢更窮蹙上稟乞
撫周開錫批飭不准現檄各軍乘勝進剿五月初二初
六兩日傅先宗擊賊於鞏昌屬之丁家門新寺鎮等處
兩獲大捷楊世俊及總兵田連考等初十五等日擊
賊於甯遠屬之大石頭廖家莊馬塢李家溝門草塘河
岷州屬狼渡灘等處十六十七等日副將管春林等擊

禮縣鹽關隴西等處之賊均有擒斬伏羌甯遠禮縣一帶均已肅清南路諸軍現正進剿渭源以規狄道所有一切情形容俟查明續報中路各營現飭陸續前進安設糧局次第北行以規硤口規狄道者復河州之漸規硤口者奪金積之勢也此次截剿由陝回竄崔禹李米各巨股悍逆地網四張將士用命擒斬賊目至多狄河金積出巢之賊掃除殆盡諸軍之在陝境者已蒙俞旨准獎甘境諸軍台無仰懇

天恩一體獎敘以示鼓勵記名提督斐凌阿巴圖魯楊

世俊請

交部從優議敘花翎提督銜記名總兵威勇巴圖魯戴
佑勝請以提督升用記名提督尙勇巴圖魯張仲春請
賞換清字勇號提督銜副補用總兵周顯明湖北補
用副將朱鎮鳴補用總兵李必福簡用總兵裴思朝均
請

賞給勇號補用總兵劉治均黃有忠均請以提督升用
花翎提督銜留閩補用總兵熊道濱請

賞給該員三代一品封典補用總兵趙興隆陳春萬田

連考均請

賞加提督銜田連考並

賞給勇號留甘補用副將黃虎臣何玉超均請以總兵
儘先補用花翎副將銜留江西補用遊擊李奪魁請免
補遊擊以參將留於陝甘儘先補用並

賞給勇號儘先參將楊德俊請以副將留於陝甘儘先
補用補用遊擊朱蘭亭馬有才均請以參將儘先補用
花翎儘先守備李洪超黃兆熊請免補守備以都司儘
先補用藍翎儘先拔補千總范潮海董大榮請免補千

總以守備儘先補用並

賞換花翎守備銜千總嚴金龍吳秀成請以守備儘先補用並

賞加都司銜千總姜燮陽請以守備儘先補用並

賞戴花翎五品軍功拔補外委張金明徐有禮請以守備儘先補用並

賞戴花翎其餘在事出力文武員弁勇丁可否准臣等彙案保奏以昭激勸之處出自

逾格鴻施陣亡之遊擊黃俊傑朱受光李得貴擬保遊

擊吳戰平都司周國清蘇忠賢守備李榮光蔣仁瑞擬
保守備舒得勝方玉明李汝錫千總劉元林把總徐友
勝擬保把總劉雨清均應請

天恩飭部照例議給

卹典以慰忠魂謹會同陝西撫臣蔣志章恭摺馳陳伏
乞

皇太后

皇上聖鑒訓示施行謹

奏 同治九年六月初八日

系年卷二十一
三
截勦陳林股逆獲勝摺

奏爲官軍截勦陝回陳林鼠賊疊獲勝仗恭摺馳陳仰
祈

聖鑒事竊金積逆回被勦窮蹙陝回零星竄走臣已於
五月初六日馳報矣陝回各逆兇狡著名者馬上和楊
文治而外以陳林余彥祿兩逆爲最金積堡乏食陝回
老弱婦女餓斃者多陳林領三千餘眾出巢向花定一
帶掠食四月初一日金蓮昌分駐定邊之都司牛允誠
伺賊至督師敗之躡賊大矩灘斬殺八九十名生擒十

六名初七日五鼓賊乘風雨交作襲攻花馬池城有賊
十數已梯城而上提督隋君廷聞警率馬勇登城步戰
城中文武紳生亦併力堵賊於巷口賊之已入城者登
時殺盡天明隋君廷開城擊賊躡殺十餘名生擒四名
餘仍負創而遁初十日賊竄安邊攻王家寨副將宋雲
田督參將李占標遊擊邵維常隊伍分道赴援立解堡
圍斃賊六十餘名追至橫流溝賊返關又經官軍奮擊
而走邵維常首先陷陣臂膊中礮傷十二日黎明賊蜂
至定邊攻城牛允誠揮隊擊之殺賊三十餘名賊敗竄

磚井鎖守備王克功伏兵東關橫截而出斃賊四五十名生擒九名十三日賊西竄安邊境攻李家寨寨垂破矣宋雲田率隊掩至賊駭而奔官軍躡追五里至白家寨賊眾千餘合勢拏拒宋雲田躍馬突陣部眾繼之鏖戰逾時賊敗走擒斬百餘斬逆目楊葫蘆二十五日提督王鳳鳴護餉抵磚井訶賊踞瓦渣梁楊家寨督隊疾擊之斃賊三十餘名生擒五名二十七日午允誠隊伍出定邊而東王鳳鳴隊伍出磚井而西兩路抄擊斃賊八九十名生擒十五名二十八日賊繞磚井迤東之營

家崩王鳳鳴被執四十餘名二十九日五鼓乘賊熟睡襲破其巢斬得賊百四五十名奪騾馬牛羊數百頭矛桿二百餘件其敗逸定邊者又經王克功斬獲四十餘名生擒六四名自戰擒斬賊數共七百七十八名奪牲畜器械甚夥弁勇帶傷二十餘名陣亡七名據賊目余金兒供係余彥祿之弟馬化澂嚇隨陳林東掠圖得花定安邊各城絕金積前敵官軍運道十二日磔并鎗之戰陳林中礮傷甚重訊畢斬之此金運昌所部截剿陳林竄回於花馬池定邊安邊磔并疊次獲勝情形也方

陳林之挾眾東趨也劉錦棠黃萬友慮後路接餉隊伍單薄四月二十二日令總兵沈先梅率馬隊數十騎赴花定偵探午刻抵磁窰鎮獲賊謀供陳林自花馬池田家掌派逆目楊興隆帶數百賊護糧回金積將至矣比飛報劉錦棠添兵截勦二十三日劉錦棠伏兵靈州東南十餘里之權喜梁以待辰刻賊眾擁糧畜而西官軍馬步左右突起擊之馬賊返奔步賊棄輜重四竄劉錦棠令軍士分途歷勦副都統雙壽遊擊郭宗儀馬隊東追馬賊提督蕭章開諭執益譚拔萃余虎恩周雲祥譚

上連會松明軍功張俊隊伍追步賊各路悉銳衝殺賊無脫者是役斃悍賊六百數十名陣斬逆目楊興隆奪騾馬牛羊八百餘頭雜糧二萬數千斤弁勇陣亡二名受傷八名此四月二十三日湘軍截剿陳逆零股於靈州憐喜梁獲勝殲除殆盡情形也二十六日提督李雲貴軍功李雙良行隊自綏德護餉過定邊遇賊會同署定邊協副將王雲孚防兵兩路迎擊斃賊百餘名弁勇陣亡六名二十七日提督何作霖余虎恩馬步出花馬池接餉途遇數十賊騎追斬數名據活賊供陳林尙盤

踞田家掌迨各營進剿賊已趨定邊磚井一路二十八
九日金運昌之軍敗賊於磚井魯家峯卽係此股此四
月二十六七日湘軍截勦陳林竄回於花定一帶獲勝
情形也臣接據北路軍報得陳林東竄之信卽檄統帶
前路五營提督劉端冕會合陝北各軍妥籌防勦道員
魏光燾嚴扼環慶一路五月初十日三鼓劉端冕詎逆
眾竄鄜州屬之油坊比派所部從巴掌窪和尚塬分左
右路迎擊自率馬步出黑水十一日辰刻抵王家角驟
遇賊騎劉端冕以馬隊夾步隊而陣鎗礮環轟賊猶死

拒適總兵陳光明副將黃承佐隊伍循巴掌窪山脊壓下併力撲之追賊至張家灣總兵文明章副將溫宗秀又自和尚塢截出賊首尾受敵踰溝狂奔各營乘之斃賊五百餘名生擒一百一十三名據活賊洪起益等供陳林在磚井負創受傷極重隨帶死黨轉金積分馬步賊一千餘交逆目馬長元趨定邊甯條梁圖竄山外掠食不料遇官軍擊敗訊畢斬其悍黨八十名釋脅從三十一名連日劉端冕分派各營循將臺一路迤東而北四面揜山沿途遇賊或十餘一起或數十一起覓路歸

巢官軍前截後追擒斬又不下百數十名其由府泉敗
逸甘泉屬者經提督劉聲集所部截殺數十名餘賊向
保安縣北遁計不過百數十騎而已其零股數百由廟
村西奔合水縣屬之固城川提督甘大有截之斃賊百
餘名生擒二十三名奪其騾驢軍械殘賊飛奔襄樂鎮
此劉端冕各營截剿陳林窟回於鄜州合水等處獲勝
情形也十八日魏光燾派總兵夏奉朝馬隊禦賊於襄
樂小有挫失賊趨甯州東五十里之蘇家川署甯州知
州楊大年派副將銜參將譚新盛都司銜守備盧春林

率甯州防勇於二十日三鼓襲之斃賊四十餘名生擒
二名勇丁受傷三名餘逆趨正甯之平子鎮出邠長交
界之白吉塬亭口竄靈臺邵寨魏光燾親督所部自慶
陽追賊而東二十二日及賊邵寨頗有擒斬賊復西竄
臣復飭副將彭清和都司熊祥麟率所部馬步截賊崇
信斬騎賊數十而奪其馬並奪回牲畜百餘俵給災民
此慶陽甯州平涼防軍截剿陳林一股竄逆獲勝情形
也訊據生擒賊供陳逆與受傷子未出不知死活黨眾
殲戮殆盡余彥祿悍黨存亦無幾馬化澂及其子耀邦

復哀詞乞撫並繳到馬七百匹鎗械五千餘件劉錦棠
仍未准撫臣現檄雷正綰黃鼎率所部進規硤口並飭
各營分道北進自當慎以圖之四月二十六日劉錦棠
定邊之戰陣亡記名總兵江登雲拔補千總孫九齡血
戰捐軀應請

天恩飭部各照所保官階議給

卹典以慰忠魂謹恭摺據實馳陳伏乞

皇太后

皇上聖鑒訓示施行謹

奏同治九年六月初八日

同治九年六月十五日內閣奉

上諭左宗棠穆圖善奏截剿陝省回竄賊匪獲勝請將出力陣亡各員分別獎卹一摺本年三四月間陝回禹得彥等股竄入甘肅靈州慶陽等處經道員魏光燾等帶領各營沿途截剿迭獲勝仗將逆目李經舉等殲斃道員黃鼎一軍復在固原一帶剿賊大勝擊斃逆目丁阿渾等多名西竄之崔三一股亦經南路官軍截擊擒斬甚多狄河金積堡出竄之賊掃除殆盡在事各員尙

屬著有微勞自應量予獎勵提督楊世俊著交部從優議敘總兵戴佑勝著以提督升用提督張仲春著賞換博啟巴圖魯名號總兵周顯明著賞給積勇巴圖魯名號副將朱鎮鳴著賞給強勇巴圖魯名號總兵李必福著賞給敢勇巴圖魯名號裴思朝著賞給卓勇巴圖魯名號劉治均著以提督升用熊道濱著賞給三代一品封典趙興隆等均著賞加提督銜內田連考並賞給勝勇巴圖魯名號副將黃虎臣等均著以總兵儘先補用遊擊李奪魁著免補遊擊以參將留於陝甘儘先補用

並賞給勉勇巴圖魯名號參將楊德俊著以副將留於
陝甘儘先補用遊擊朱蘭亭等均著以參將儘先補用
守備李洪超等均著免補守備以都司儘先補用千總
范潮海等均著免補千總以守備儘先補用並賞換花
翎嚴金龍等均著以守備儘先補用並賞加都司銜姜
燮陽著以守備儘先補用並賞戴花翎外委張金明等
均著以守備儘先補用並賞戴花翎其餘出力員弁勇
丁著左宗棠等擇尤集案保奏毋許冒濫陣亡之遊擊
黃俊傑朱受光李得貴擬保遊擊吳載平都司周國清

蘇忠賢守備李榮光蔣仁瑞擬保守備舒得勝方玉明
李汝錫千總劉元材把總徐友勝擬保把總劉雨清均
著交部照例議卹該部知道欽此

軍機大臣 字寄同治九年六月十五日奉

上諭左宗棠穆圖善奏截剿陝省回竄賊匪詳報情形
左宗棠奏截剿陳林股匪各一摺覽奏均悉本日業經
明降諭旨將出力陣亡各員照所請獎勵矣陝回禹得
彥崔三等股迭經官軍擊敗漏逸無多傳先宗等復擊
賊於鞏昌等屬伏羌甯遠禮縣一帶均已肅清正旨采

此聲威節節掃蕩著左宗棠飭令南路各軍迅由渭源
進剿以規河狄勿稍遷延硤口要隘爲賊所踞尤當迅
飭雷正綽等力圖攻拔以奪金積之勢其陳林一股竄
擾花定一帶經金運昌劉錦棠各軍擊敗陳逆受傷而
遁現在陝回迭經受創金積賊勢漸孤左宗棠務當飭
令劉錦棠等穩慎進取力拔堅巢該逆被圍緊急難保
不遣黨四出圖擾後路並著嚴飭環慶等處陝軍會合
陝北各軍嚴密布置遇賊卽擊毋稍疎懈省城附近及
西路一帶時有匪蹤竄擾著穆圖善隨時酌量情形力

籌防勦左宗棠亦當妥籌兼顧所有安邊勦賊陣亡之
總兵江登雲千總孫九齡均著交部議卹將此由六百
里各諭令知之欽此

吳士邁病故請卹並專殺朱德樹可否免其查參
片

再統帶宗岳軍員外郎銜中書科中書吳士邁本臣派
赴秦州防勦之員前次逆回竄陝總統南路諸軍道員
周開錫商令赴平涼聽調比到平涼適逆首崔三禹得
彥李經舉挾河回米阿渾等大股由秦州屬清水縣竄

入陝西隴州寶雞邊境臣以此次陝甘逆回合勢趨陝較之前次馬正剛等人數多至一倍且非前次飢疲之賊可比卽調漢中鎮總兵李輝武帶所部蜀軍兩營及陝軍律勇兩營禦之並以李輝武兵力尙薄立飭吳士邁率所部七營助剿時吳士邁已患氣墜腹瀉之證奉令卽行比抵汧陽賊已竄寶雞李輝武勢幾不支吳士邁迴旆勦之克獲陳村大捷所部信營兼帶左旗馬隊營官記名總兵浙江處州鎮遊擊朱德樹先行因貪勦零騎違令落後吳士邁嚴斥之敗賊復竄羅局吳士邁

力疾復戰飭朱德樹由北路繞出羅局之東二十里截賊東竄自率仁義禮智誠五營由大道進羅局朱德樹行近羅局聞李輝武所部被賊圍攻甚急朱德樹不遵赴羅局之東改道先進羅局解李輝武之圍比吳士邁率四營繼抵羅局七調朱德樹不至僅得追勦崔三股逆克獲大捷而禹德彥一股則已東竄岐山矣吳士邁憤甚還至汧陽斬朱德樹以徇比稟牘抵營臣以朱德樹雖違軍令然本任處州實缺遊擊保至記名總兵吳士邁應稟臣

奏參治罪不宜專殺委員密察有無別故未幾而前署隴州知州湯敏以朱德樹三月內曾以軍裝布百餘捲向該員借墊銀四百兩求發歸款具稟鳳翔知府李慎漢中鎮總兵李輝武以吳士邁屈殺朱德樹具稟臣維朱德樹本臣浙江舊部調隨西征後飭交吳士邁統帶者吳士邁亦亟稱其勇此次因違令軍前正法如有屈抑則所管馬步一營一旅必有爲之代訴者飭周開錫察明稟覆並委妥弁前往詢訪軍情正察辦聞忽接吳士邁五月十一日申刻稟言疾勢危篤未報

國恩死有餘恨乞將該軍大餉款目分起清還俾免失信旋接據該軍參將張騰飛專騎馳稟吳士邁已於五月十二日身故矣復據周開錫及委員稟覆朱德樹所部馬隊一旗步隊一營回秦州後安靜如故並無代爲訴屈之人是吳士邁之斬朱德樹雖不免專殺之愆實非枉殺可比使吳士邁尙存臣自應照例參

奏以符定制茲該員業經身故可否免其查參之處出自

天恩抑臣竊有請者已故中書科中書吳士邁志節之

偉暮齒不衰臣於同治七年四月十七日直隸吳橋行營接到署陝西撫臣劉典錄知摺稿會以吳士邁烈士苦心戰功卓著並詳其生平志事附片

奏懇

賞加員外郎銜並

賞戴花翎近以鳳翔陳村羅局兩捷撫臣蔣志章會

奏請

賞加四品銜該故員隨臣入關度隴已閱三年此次由秦州赴平涼晤面時力請身當前敵行至汧陽疾已垂

危猶令昇病前行以死自誓危身赴義有烈士風實軍中所共見亦一時所僅見臣未敢聽其掩抑不彰可否仰懇

天恩仍照四品職官軍營立功後病故例

賞給卹典之處謹候

聖裁伏乞

訓示施行其朱德樹原任浙江處州鎮標中營遊擊一缺應由兵部揀員題補合併聲明謹

奏

同治九年六月初八日

同治九年六月二十三日軍機大臣奉

旨吳士邁業經病故其擅殺朱德樹之案免其查參所
請給予卹典著毋庸議欽此